



撫浙檄草目二

白糧加派經費

議復巡防曉船

頒布船兵冊式

互寒清獄

禁刷黃匿名榜帖

查議南糧倉廩

駁全書稿欵

害人

駁全書孤貧口糧

禁報復投誠

禁投誠反噬害人

革練總嚮導

禁飭呈頭

諭民息訟

諭飭衣冠服式

錢江橫渡示

清察吏缺頒布叅規

清還宋陵

禁民間鳥銃

禁飭兌支積弊

再諭逃人法例

禁放龍燈

開濬省城官河

查全書新加錢糧

禁婦女寺院燒香

再禁通海

查戰船弓箭

飭勘 欽案

申飭祭丁樂舞

申飭備用錢糧

修造館驛

誠諭標官

大兵經臨曉諭安民示

再禁出洋採捕

舉行鄉約六諭

申諭採木造船

考試觀風

訪拿衙蠹

查銷冒籍詞狀

重修 禹陵

申飭審勘贓罪

再諭薙髮服制

賑濟寧郡饑荒

申飭給由實政

重刻 再刻

查驗月餘兩米

官拿解蠹

寺結贖風

白糧加派經費

一督撫都察院奏

示年來白糧官解吏解條議

加派不敷銀米通計柒萬有餘官吏私勒不知其幾大爲民累本院仰遵

恩詔力主漕幫帶運計畫運官屯丁一切經費適符全書原編車夫水脚由閘等項舊額此外並不加派分毫顆粒初議前項條議不敷銀米盡行蠲除見在彙疏奏

聞誠恐貪官蠹胥仍前混徵有辜

朝廷德意倘有違派許被害糧里指名呈告以憑叅  
拿重處特刊榜示咸使聞知

議復巡防唬船

一為議復唬船兵制以重汛守以靖寇氛事照得  
浙江澤國地方半屬水鄉年來盜賊充斥嘯聚  
於荏苒之間連艘出沒劫殺時聞官兵無船徒  
守陸地致難擒勦商民差使慘受荼毒近來濮  
院烏鎮石門及沿江一帶大盜縱橫不聞追逐  
備禦之謀豈非養癰貽患耶查舊時官塘河路  
原有設立唬哨兵船沿塘汛守之制每十里一  
船內撥兵丁捕盜舵工火工等名遇有警息協

力追勦如封豕長蛇首尾相應俾賊進無所施  
退無所遁誠屬弭盜戢奸之法今議修舉除造  
船錢糧本院另有設處外其派撥營兵作何抽  
調擬合通行查議爲此牌仰杭嘉湖紹金衢六  
道照牌事理卽查該屬官河江洋衝要處所某  
處舊設何項船隻日兵若干見今撥派何兵汛  
守今據十里設立一汛應該船隻若干每船工  
料價值若干應用兵捕器械若干可否於各營  
守汛兵內抽撥應設何官統轄并責成紀律防  
禦事宜逐一查議妥確務期經久可行限十日  
內具文通詳以憑修舉施行毋得遲違

頒布船兵冊式

一爲清覈船兵以實經制事照得各水師營經制官兵舊例量戰船大小限捕兵名數各有汛守並無虛伍如福船海蒼船捕舵兵薪三十八名貼駕軍六名艙艖船捕舵兵貼駕軍共四十一名蒼鳥船捕舵兵薪三十名貼駕軍六名沙船耆舵兵薪二十二名貼駕軍四名虎船民舵兵一十六名漁網等船各定差等難容冒糜船隻軍器官兵姓名按季有冊以備查核倘無故損

船依例追賠乃軍機重務也邇來水師未改舊章率多虛冒皆由戰船未辦得以藉口支吾但既曰水師無船出洋守汛是爲曠兵又豈容坐糜餉額且並不見造船式冊籍茫無查考殊非事體除已往不咎外合行頒式清查爲此牌仰海台溫三道照牌事理卽將發去冊式速查水師官兵實在船隻若干今日水艦犁艚比昔日何項船制大小如何詳細報核合用捕舵薪兵若干見在應修舊船係何捕舵兵薪該管有兵無船若干今宜造何項船若干以足管伍刊刻冊格另畫船式逐隻填造明白印鈐送院查核施行事關軍機該道毋得泄泄從事責有所歸計發冊式

五寒清獄

一為清理刑獄事照得刑獄一節上于

天和下關民命古聖王畫地為牢下車泣罪于執法  
之中寓哀矜之德誠不得已而用之非所好也  
本院兩按吳越晉位棘丞于律法則持執甚嚴  
于刑獄則時厯惻隱故詳載約言申飭甚悉茲  
當天氣嚴寒尤為可念往有不肖印官生事佐  
領或受勢豪囑託或聽衙役欺弄或係盜賊株  
累或因人命干連或鬪爭錢債小事或微贓罪

贖未完纍月經年淹綿不結孤身卑戶食斷衣  
穿而彼獄官獄吏禁卒牢頭肆羅剝之威縱虎  
狼之慾飽詐則重囚亦疎放無拘拂意則輕罪  
亦桎籠桎梏幽圜黑獄地慘天昏此有人心者  
所不忍聞見也合行申飭清理爲此牌仰按察  
司守巡十道照牌專理即便專督理刑官親詣  
司府縣輕重監舖逐名點驗除真正人命強盜  
重情及關係

欽犯侵欺大蠹照舊監禁加意防範遇病醫治嚴飭  
獄吏禁卒人等不許詐害外其餘情輕各犯應  
釋放者即便行釋放應發保者立與取保軍徒以  
下犯在

赦前者卽爲詳請結案毋得淹滯備將清釋及見監  
各犯分別開列事由及已結未結畧節造冊送  
院其外縣俱責令印官親加查理一併冊報以  
憑查核施行該司道仍不時密訪如有提牢官  
吏獄卒及擅立牢頭名色凌虐罪犯索詐錢財  
拷掠致命者即便拿解本院查審得實立斃杖

下該管官定以酷虐叅處法在必行斷不寬假

禁刷黃匿名榜帖

一為禁緝投匿刷帖刁風以遏狙詐以安善良事  
照得兩浙吏治叅窳民生困瘁本院來撫是邦  
惟以鋤暴安民興利祛弊為念爾百姓人等果  
有受抑含冤條陳利弊止須據事直陳有何嫌  
疑忌諱無奈浙民刁詐成風奸偽百出不論事  
之有無情之輕重動輒捏名投匿刊揭刷黃本  
院向曾條禁今蒞任以來仍然無改殊可嘆恨  
但此輩豈真有極寬大枉屈抑莫伸乎總皆奸

棍劣訟師惡蠹聯結成行無風興浪假造危  
詞觸怒官長砌誣虛欸謬托條陳是非任其起  
滅詐騙莫可端倪舌銛利于戈矛毛穎毒于蜂  
蠆所謂鬼蜮含沙黎丘幻影念之髮指除投匿  
名呈狀設法查實按律絞罪不饒外合再嚴禁  
拿緝爲此示仰巡捕員役并各坊總甲人等知  
悉嗣後晝夜巡察凡有已粘帖黃盡行揭燬不  
許存留如遇再有匿名粘貼者即時擒拿解院  
立斃杖下倘有玩違聽人粘貼定行查按地方  
將巡捕員役該坊總甲一體責究斷不輕貸

查議南糧倉廩

一為查議收貯倉糧事照得本院蒞任之初倉無粒粟兵糧數月未放滿漢官兵告領頻聞當事束手無術本院察訪得南糧匱乏之由皆緣官役貓鼠為奸創立陋規公行需索各屬艱于解納觀望不前及差丞差坐縣守催若輩惟取常例反令糧長剝肉醫瘡卽有報解到省又為積歇倉蠹侵欺折乾那新掩舊以致歷年侵逼省倉空虛職此故也本院因念害深水火焦心勞

思設立報單之法嚴革陋規訪拿倉蠹兩月之間各縣知有天日輸將恐後共計前後運省南米見有五萬餘石豈非不用差役革弊甦民之明驗乎刻下糧米源源而來從此將見陳陳相因可無仰屋之籌矣但查省城原設大有常平廣豐廣積四倉僅堪堆貯五萬餘先到者發收外將來運到恐無倉口發收合行查議爲此牌仰布政司卽查省城四倉解到南米已將貯滿各屬續解南米另議何處堪以收貯查議明白詳報以便隨到隨發收倉毋得遲悞

駁全書摘款

一爲亟催賦役經制等事照得纂編賦役原爲經國遠謨纂是書者上當籌于

國用下洞悉于民艱參時宜而考舊章遵

恩詔而清私派至公至平無偏無濫方成垂世之典

今據纂到全書本院躬親校閱內除新增數多偏枯特甚者前行駁查外今查牛角價值本院已

題定每副貳兩玖錢書內仍編肆兩未經改正白

糧帶運事規及行月糧本折尚未會同糧道照  
纂新定數目驛傳均平夫馬已議通融協濟書  
內俱未註明及經制人役照設而額外重立裁  
冗虛名各役工食坐派州縣支領多寡尚未允  
協甚有私編抵給應裁未除總撒不符註解未  
盡前後游移各款合併票明駁查爲此牌仰布  
政司卽將發去杭嘉湖寧紹五府全書查照駁  
款親督纂編人役覆加參酌應減編者減編應  
調劑者調劑應改正者改正應增註者增註覆  
纂齊備仍不厭詳細再加對讀復加磨算以免  
錯悞一切新編另行摘出詳院立等

題明同全書送

部今違限已久本院雖已咨請

寬限萬難再遲原擬喚取經纂人役到院面訂  
改正以竣其局因該司前曾在魯纂編無不洞  
悉熟路輕車計日可完本院可藉以報

命矣



前此俱額外加編應照

部議題明者也但細查各府如杭嘉湖三府改給本色尚有臨安崇德本折兼支昌化桐鄉安德武孝仍給折色矣寧屬本折兼支奉象仍給折色矣紹屬俱給本色餘上二縣仍給折色矣台州寧天本色臨黃兼支太仙折色更不畫一其金衢嚴溫處五府俱給折色內有永瑞平麗四縣兼支奉順本色矣均屬孤貧何以異同碍難繕疏合行查議爲此牌仰布政司卽查孤貧口糧浙東浙西本折懸殊而一府之中又有或本或折兼支之異前未

題請總屬私加今當作何酌議方爲妥便應否通省畫一酌議妥便詳覆以便具

題施行

禁報復投誠

一為嚴禁構釁報怨以安反側以信

詔款事照得投誠之令奉有

恩詔款開一土賊嘯聚或因饑饉所迫或因貪官虐  
害殊為可憫果能改悔前愆自行投首者悉免  
其罪欽此本院念茲小腆久切捐生既奉

恩綸應開法網是以大張榜示特准投誠然亦念兩  
浙自兵燹以來征勦頻仍供億維艱許其自新  
固以仰遵

楊草  
詔旨亦爲勞師糜餉計也乃者人心不古欺詐恣行  
或以夙有盜名將撫前舊事攙改年月誣爲復  
叛者或有撫前被劫復于撫後勒賠者甚有偶  
遇中途羣呼黨類網縛而投諸水濱者夫阻化  
之輩自昔均不免于焚劫爾民曾受荼毒能無  
怨恨但彼負固稱雄時何不能挫其克鋒而乃  
于撫後輒圖報復是則宥過之恩反爲洩忿之  
路又豈足以信

功令而安反側哉合行嚴禁爲此示仰軍民人等知  
悉自示之後投誠之輩果有悉心向化慕義來  
歸者自當遵

詔免罪倘有叛心復萌大法斷難寬宥爾民不得復  
以撫前舊事攙改誑告逼勒賠贖至于私自網  
擒尤扞法網若有故違定行依律典命決不輕  
貸

禁投誠反噬害人

一為嚴禁投誠反噬以擴

聖恩以安良善事照得投誠之令屢奉

恩綸所以開自新之路也無奈若輩狼心易動鷹眼  
難更常有復叛之事順治八年間奉

詔撫降廣開法網而不逞之徒不思改過自新又復  
恣其荼毒曩為盜時曾被受害民人或與詞告  
發或引兵擒拿夙怨未伸勒餉未遂咸思于撫  
後一逞或指為昔曾在營往來或指為昔曾寄

頓劫餉又或指爲見通叛黨種種妄陷拔害多  
端甚有公然復叛拷餉勒贖列械稱戈在昔尚  
爲私盜後則竟爲官盜人人側目通國騷然故  
前按院杜 有請禁投誠之疏此皆若輩自阻  
向化之心誠非 朝廷之令有或行或不行也今者  
皇恩浩蕩

詔欵重頒旣宏開宥過之門宜盡改從前之惡凡投  
誠輩或食糧克伍或編甲歸農各宜自保身命  
毋得仍肆鴟張敢有捩拾陷人圖洩私忿以及  
妄指寄贓恣情勒詐者定當治以重法必不輕  
信狡口屈陷善良至于復叛之令法例昭然若  
有違犯卽行立寘大典斷不姑徇各宜警省毋  
貽後感

矣昔者規忒計謀藉皆安當以重去必不  
其弊以舉勳勳類有難計留人圖其味念以

### 革練總嚮導

一為禁革練總嚮導以塞盜源以杜擾害事照得  
練總嚮導之名原為勦盜設也然而通盜害人  
卽是此輩如近日賊寇縱橫聚則蟻屯蜂擁及  
兵至而宵竄無踪是豈狡賊真有奇謀遁術哉  
亦不過若輩為之呼吸其間也不然彼既不與  
賊通何以深知賊徑大都賊之猖亂其始事也  
愚者任為渠魁稱雄負險黠者任為練總裡外  
交通賊捉餉戶彼來說情烹肥賊劫貨物彼來

賤買獲利假防禦而備器械則弓箭腰刀暗售  
賊寨引大兵而任嚮導則傳消遞息漏洩軍情  
又有不肖防官通盜無路此輩卽爲線索凡有  
賊過之處妄指殷戶爲窩統領官兵沿鄉淫掠  
間有擒獲真盜又復唆令扳陷無辜恣其拷詐  
稍不遂慾誣送官廨立破身家種種虐害難以  
更僕而數是練總者嚮導之別名嚮導者實通  
盜之捷徑也本院撫茲浙土志切安民勦盜除  
奸自有善策又安用此輩爲耶除前項有犯另  
行設法查究外合再嚴禁爲此示仰軍民人等  
知悉嗣後凡各鄉材向有前項練總嚮導名色  
者務各盡行革除不許復踵前弊敢有仍前借  
名希圖暗通賊信以及引兵淫拷良民屈陷無  
辜者輕則追贓究遣重則立正大法決不姑貸

禁飭呈頭

一為嚴禁呈頭名色以杜誣陷以清盜源事照得浙省寇氛未靖所在騷然其害在于盜窩盜線為之黨助而管辦之是以盜風未息然又有所謂呈頭者則又與窩線同類而異名者也查呈頭之說初無其名自寇盜充斥間井不安而地方豪猾之輩遂起而條陳之其始也則曰某為渠魁某為脅從某為盜線某為盜窩某處可以通賊巢某路可以阻賊遁言之鑿鑿未嘗無一

二可採及其久也筆底鋒芒衙門情熟呈院呈  
道盡屬假公濟私首府首縣無不含沙射影劇  
克大盜倚此輩爲泰山華戶小民畏此輩如猛  
虎冬時年節宴請餽遺則真盜真窩曲爲庇護  
微嫌小隙不諳彌縫則清白良民誣爲盜黨身  
家由其捷口性命繫其筆端民陷爲寇寇濶爲  
民黑白混淆顛倒罔顧呈頭之害流毒豈可勝  
言合行嚴禁爲此示仰軍民人等知悉地方寇  
盜本院自當銳意勦除無容借端徇陷敢有好  
惡棍徒仍襲前弊或誣良爲盜或保盜爲良借  
意營私恣爲勒索或訪聞或告發立時嚴拿解  
院重責枷示仍按法究遣決不輕貸

諭民息訟

一爲禁諭息訟以安民生事照得別蠹釐奸伸冤  
理在本院職掌宜然亦屬素心塵切也惟是浙  
俗澆漓刁頑好訟往往駕詞聳誑百無一真或  
鬪毆小事而捏稱殺搶或口角嫌隙而圖賴人  
命賣絕之田房希圖貼價謬曰勢豪奪踞離售  
之妻子索加不遂妄稱豪惡佔姦乘本院之嚴  
懲衙役也動以衙蠹裝頭窺本院之禁戢兵丁  
也輒駕弁兵肆虐披閱時滿紙冤屈無伸及發

審盡是浮詞說謊藐視條約深可嘆恨况當歲  
荒財盡生業艱難之際不知是何肺腸而甘心  
棄業失時費財競氣趨之如鶩而嗜之如飴若  
此也頃有誣告犯人丁元朱京陳光祖呂士奇  
等俱經本院嚴懲枷示矣奈爾愚民仍然不知  
省改每于馬首輿前沿街環繞膚慙誠屬可矜  
可恨合行揭示曉諭爲此示仰百姓人等知悉  
當茲年近歲逼本院于臘月初二十六日期集  
不放告各衙門俱各一體遵照爾民宜卽歸家  
務業不得健訟逞刁倘有勢不能已者至開年  
二月初二日依期赴告毋得仍前瀆擾致取罪  
戾間有謀叛軍機殺人大盜方許抱牌赴訴審  
實准行若係虛誣定行枷責反坐斷不輕貸

諭飭衣冠服式

一督撫都察院奏

示照得衣冠制度禮法攸關

皇朝奄有區夏十載于茲同軌同文誰敢自異本院  
下車以來見民間冠帽多不如式但念貧窶之  
子措買艱難姑從民便豈期士民人等不自體  
諒公然遍戴擅帽各舖盛行貨賣更有方巾大  
袖者殊屬違禁合行嚴飭示仰士庶人等知悉  
嗣後務須遵制着冠冬皮夏竹綴以紅纓委係  
貧民擅帽許令剪開捲口不得仍前違式擅戴

小帽方巾倘有故犯本院見聞所至定行嚴拿  
治罪舖家擅帽不剪口擅賣者一併重究斷不  
少貸特示

錢江橫渡示

一爲禁約事照得錢江橫渡爲杭紹孔道商賈士  
民往來必經之地從來船戶渡夫欺凌客商要  
挾勒指恣情索詐不饜不休其事雖微而其害  
最烈聞舊有勒碑禁約憶本院巡按時亦曾嚴  
行申飭近訪得渡船人戶橫惡異常捉孤客爲  
載頭至半江而索詐耽擱留難日暮方渡不但  
有風潮覆溺之虞抑且有野路逐客之苦貽害  
商民深可痛恨除密行訪拏懲處外合行禁約

爲此示仰船戶渡夫人等知悉嗣後商民橫渡  
往來聽其自便不許要挾強捉勒指遷延應得  
船錢不過少償辛力毋得恃強多索敢有仍蹈  
前轍恣橫害人者本院查訪得實立時擒拏重  
責五十板枷號一月斷不少貸

清察吏缺頒布叅規

一爲清查實歷代辦吏農以杜占缺虧餉之弊事  
照得

國家議開事例本以佐軍興之不足非令胥吏藉  
此覓利占缺賄售以阻援納裕餉之路也查

本朝定例內外衙門吏員實歷五年查無過犯卽准  
送部前朝叅規三年一考六年兩考滿日起送  
不許占戀房科以便後來納銀者考撥叅克無  
故曠役三年卽以規避斥革舊訂叅規資格原

極詳明誠清吏弊裕餉額之良法也本院前按浙中時未開納事例卽見各院書吏及効勞各吏紛紛爭缺俱不循規已非法矣今自三月以來告期中攘缺之呈猶然如故察訪根由皆因各衙門積奸有代辦一弊致啓爭端如各衙門上等房科俱係院役批頂一缺而有候叅者六七人更有一人而批數考下等房科歷年應缺無人認叅使援納者裹足不前隨有各處積奸不肯納銀冒稱令典謀買所批美缺名之曰代辦一缺有費數百金者最少亦費百金上下查布政司東通吏一缺代價至一千餘金營代之徒不吝重價叅期未滿預謀接頂纍年窟穴視爲恒業試思若輩費此厚本非幾倍取償安肯甘心若不侵欺錢糧卽屬詐索常例蒙官害政蠹

國殃民莫此爲甚然溯流窮源其弊反自上始何則蓋各院書吏原係異勞叅規載有陞超之典効勞一年陞叅兩年超缺應該收叅之期呈院

放回該衙門實歷兩考照例起送從無本身在  
院供役其名則懸下屬將缺轉賣與人代辦之  
例向未查考得以妄爭今本院蒞任深知此弊  
欲清其流必潔其源故並未批賞一缺舊日叅  
規所當重訂并行取冊清查爲此牌仰布政司  
十一府照牌事理通行僚屬衙門卽將見在實  
歷吏員候缺農民自順治六年奉文納銀爲始  
挨造役滿接頂日期某係初考某係兩考某係  
原納加納某係折銀降撥分別行頭如已及五  
年者查無違碍具詳考核照例起送不許再叅  
別缺各院書吏原批各缺身未親歷者奉何批  
詳備開某年代辦某人其人曾否納銀逐一查  
出註明代辦日期如代辦者已納行頭查無過  
犯俱照實歷例役過五年者亦准具詳起送不  
滿五年者卽行改撥相應空缺扣滿五年不許  
再容代辦其並未納銀自役卽行斥逐俱限半  
月內盡數挨序造冊報院查核其原批院吏不  
願親叅者俱作空缺聽候另行撥叅代辦內有

積役年深日久駐迹最著者密揭報院以憑拿  
究一切巧立名色濫增吏缺如廣濟包封敲兌  
月單及各屬直堂號吏盡行革逐併報查考施  
行庶可杜積胥占缺代辦之弊

朝廷生財事例亦不致壅滯矣法在必行毋容遲誤

### 清還宋陵

一爲清查宋陵克餉事據布政司纂到全書內開  
會稽縣新增宋陵山田一百八十畝徵銀六十  
兩又有宋陵山租克餉銀四十五兩六錢據此  
隨叅對舊全書載有宋孝理宗三年各祭一次  
之典並無宋陵山田克餉之說且宋代歷宗諸  
陵經元明二朝不廢何待今日搜克餉用也我

### 大清鼎革開國

恩詔首禁此條不許侵毀先朝陵寢何物奸棍假借

克餉名色侵佔皇陵法當查究爲此牌仰守紹  
道卽查宋陵共計幾塚山田共計若干畝今是  
何人管業從某年月日開墾曾否詳明奉某處  
批允有無給帖可據或在禁步之內或在禁步  
之外曾否掘動陵塚伐及封樹限五日內查明  
據實詳報以憑施行

### 禁民間鳥銃

一爲禁約事照得鳥銃乃軍中利器民間不得收  
藏向已嚴禁近訪得西湖附近無藉棍徒託以  
打捕水鳥爲由公然置辦火藥手執鳥鎗往來  
湖畔日戕鷗鳧多命薄暮劫奪商賈不惟鴛鴦  
紛飛湖山削色抑且男婦畏途遊人斂足當此  
寇警時聞誠恐盜賣火藥利器以資賊黨大爲  
不便合行嚴禁爲此示仰沿湖里甲人等知悉  
除以前置辦者通限三日內自行繳縣收貯姑

楊卓  
免深求嗣後如有仍前收藏火藥烏鎗及臨湖  
使放者該地方人等立拿解院以憑重責枷示  
容隱不舉一併連罪決不姑息特示

禁兌支積弊

一為嚴禁兌支以清積弊事照得錢糧出納必登  
簿書錙銖不容淆混杜目前之隱弊免日後之  
追求全繫于此今查各縣有聽吏書朦蔽巧以  
工食襍項等銀出給兌支人戶單串意謂不煩  
庫給而取民間之積逋似屬兩便殊不知此輩  
得串在手不兌逋賦之頑民專兌易完之殷戶  
此利其速便彼利其輕省緣此而無項不兌無  
年不兌私兌日多櫃納益少正解罔應襍放透

支且印官點者被餌于扣剋愚者一任其提撕  
漸至空印串單任吏書擇戶而食多寡隨填茫  
無稽考且禱其項欵錯其年分絲紛繩亂令人  
莫可清理甚至本年錢糧方始開徵卽行兌支  
殊不可解更聞昏愚不肖有司視私兌爲捷徑  
不難出片紙以作金錢有以之償債者有以之  
鑽營者將謂收數不載流水放數不登庫簿上  
下隱瞞自爲得計殊不知額賦止有此數不在  
上不在下將安歸乎究竟水落石出噬臍已無  
及矣除已往尚在清查將來亟宜申飭爲此牌  
仰布政司卽便移會守巡各道轉行所屬凡一  
切存留錢糧必以徵收給放登記流水庫簿以  
備查考如敢仍蹈積習擅行對支作弊者本院  
訪實飛章

題叅决不姑息各具遵依繳查

再諭逃人法例

一督撫都察院奏

示照得隱匿逃人

新法最嚴部議凡有犯者本身并家產給與逃人之  
主該村地方并兩隣各責四十板流徙十家長  
責四十板該管文武官員分別革職降罰奉

旨通行在案已經本院轉行按察司刊刻告示曉諭  
外但逃人之禁不論南北籍貫男婦子女凡投  
旗下卽係東人誠恐民間未必周知合再曉諭  
爲此示仰地方人等知悉務各凜惕新禁凡有

來歷不明男婦子女及形迹可疑之人不得容  
留免罹隱匿逃人之罪如有頑梗故違許卽公  
同舉首互相覺察共保身家毋得隱徇自貽伊  
感

### 禁放龍燈

一爲禁約事照得節屆上元俗例放燈慶賞固是  
豐年之樂事但恐人心宴安于佳節奸宄乘逞  
于深宵除夕已有越獄之事元宵可無叵測之  
防除民間放燈照常不禁亦當謹慎火燭惟聞  
邇來有龍燈之會聚眾近百各持高杆喧嚷雜  
選遍遊街市抑且衙門任其出入惟圖玩賞一  
時不顧奸徒洶雜深爲隱憂合行禁止爲此示  
仰兵民人等知悉不得做造龍燈聚集人眾擊

迎以致藏奸釀禍敢有故違定行拿究枷示決  
不輕貸特示

開濬省城官河

一為督撫地方事照得疏濬官河興復水利本院  
于容歲孟冬欽奉

恩詔通飭舉行迄今三月有餘有司各官視為具文  
漫不遵依如省城內河壅塞不通每逢積雨溝  
澮皆盈浸淫通路以致傾屋壞垣深為民害甚  
之橋梁河路多為豪猾居民築牆編籬蓋房填  
路里甲受賄縱容官府過而不問漸至河脉淤  
迷開導無術會城風水攸關商民利涉所係頃

據士庶條議前來合亟嚴督清理但查水利事務前年奉

旨歸併左藩全省庶政殷繁勢難責成料理相應專委該道會同右轄分任力行以觀成效爲此牌仰杭嚴道查照粘發條陳事理即便移會右布政司備考舊誌沿河故道繪畫圖冊從何處動工開濬何處引水滙源淤泥如何撈攬可免復壅堤橋如何築坊可通舟楫仍會集里中老成士民再加參酌或遴選能幹閑散職官具詳分委專督料理一切工料什物錢糧派撥人夫合用剝船據議通里挨輪是否可行本院恐當官承役未免累民或各衙門捐助或勸諭尚義紳民樂輸估計工程量給工食本院當爲首倡俱一併確議通限季春以前完工恐交夏梅雨淋漓難于竣事本院見駐會城法行自近務期一勞永逸民享樂利于該道有厚望焉倘有好民侵佔如故阻撓骫法者嚴拿解究以警其餘至原不通舟楫河渠止令疏濬不許借端撓擾俱

毋遲違

查全書新加錢糧

一為亟催賦役經制等事案奉

恩詔欵開各省徵收錢糧俱照萬曆年間則例久已通行如州縣官將天啓崇禎年間濫加錢糧仍行混徵者該督撫糾叅重處欽此今查新纂全書較昔加增不少如地畝如牛角如胖襖軍器如顏料蠟茶本色料物又如南糧軍儲秋米折色額外裁冗及今議行月均半等項新加共計八十餘萬其間或因兵餉不克或因料價不足

派徵有年原未堂堂正正以加派請  
旨編徵于民也茲奉下

詔求言適值全書告竣若不特將舊額新加備悉  
題明從中量徵寬減則從此載入成書不可復問  
差繁賦重民力何堪合行取揭具

題爲此牌仰布政司卽將舊全書司總銀米各若  
干節次奉行加編項款各若干各列原行硃語  
奉加款目年月確數共計新加銀米各若干備  
造摺帖二本務要簡明直捷總數相符與全書

不悖限三日內送院立等查明具

題毋得遲違未便

禁婦女寺院燒香

一爲禁約事照得杭俗鄉風媮奢成習每逢春月  
民間婦女率皆入寺燒香駢肩疊迹于招提逐  
隊成行于道路盛粧艷服女男溷雜而不知羞  
註疏寫椽僧道擁挨而不足怪甚之艷悍兵之  
目生惡棍之心受耻辱啓淫風無所不至良可  
浩漢爲之夫男不但不能禁止且有相逐携行  
者風俗頹敗最爲可鄙除行杭嚴道勒石各寺  
廟門首嚴加禁約外合行曉諭爲此示仰士民

人等知悉嗣後無論城市鄉村老少婦女俱不許往來寺院燒香賽愿說法聽經以長孀褻之風敢有故違本院不時差人巡訪定行嚴拿夫男重責枷號僧道住持不能拒絕擅自接引者一併究處斷不姑貸

再禁通海

一爲再禁奸民通海接濟事照得海寇陸梁偷生窮島一切需用貨物勢必取給外來况弓箭硝磺尤非海洋出產若內地無人接濟譬猶穿獸釜魚何難坐困立斃無奈有等奸民貪利忘害冒險私通又有細作潛入內地貿販往來而地方不肖官員翻假盤詰禁絕之名濟其賣放得財之術逢商民則生情詐索遇奸細反受賄縱容以致賊寇資藉有恃延蔓難圖深可痛恨本

院下車之始曾經通行嚴飭去後近聞沿海奸民每多私販硝磺通海接應又據定鎮塘報內開據投誠人供稱張逆打發福建人林六林四陳三陳二王東明詹六等假扮客人往各府製買弓箭鞋襪等情夫硝磺弓箭箭俱屬犯禁之物乃公然販賣出洋而不之覺不知地方文武各官盤詰禁絕安在合再通飭爲此牌仰沿海各道即便嚴行印防官員并大書告示曉諭務須加意緝防如有前項奸徒私販硝磺弓箭器械及貨物通海接濟者立將人贓獲解審實治以謀叛之律有功人員官給賞銀百兩以示激勸知情容隱一體連坐仍嚴飭衛役兵捕不許借端誣陷詐人有犯定行處死再照硝磺一物各銀舖傾銷需用勢難概行禁絕卽行印官通取當官銀舖不致借此私販甘結繳送查考施行俱毋違錯

查戰船弓箭

一爲清覈船兵等事照得征戰器械弓矢爲先而  
陸地介馬奔馳兵刃猶及相接若水戰乘風破  
浪因水勢以爲戰陣除火器攻取之外惟弓箭  
迅發最能及遠乃軍中首需利用者也今閱寧  
波水師左右兩營送到戰船兵械文冊弓箭俱  
無不知勦禦何賴合行查飭爲此牌仰海兵道  
卽查寧區水師船兵何故不行備帶弓箭歷年  
以來曾否領過弓張若干箭矢若干今應作何

製領以資戰守之用限交到三日內具文詳覆  
以憑施行毋得遲違

飭勘 欽案

一為申飭推勘

欽案以速完銷事照得叅拿各官劣款贓蹟務須根

究實據不許諉卸胥役屢經

部科具疏奉

旨嚴飭在案惟是提問贓款事實若非本府刑官就  
近審問解司則犯証難齊蠹弊不確邇來賄買  
害証夤緣問官臨審多不承認且有與原款大  
相懸絕者縱使一駁再駁不過勉坐贓私率皆

仍卸衙役碍難回

奏殊非法體合行申飭爲此牌仰按察司照牌事  
理嗣後承問

欽案發欵到司該司卽日轉發該府刑官會同本府  
印官公同會審被害証佐俱要逐名到官不許  
託故不出質對事欵必確有着落詳按律例擬  
罪具招解司各推官仍押同親自赴省當面回  
覆該司卽日覆勘轉解倘有未盡應駁本院亦  
就批荅該刑官在省卽可再審詳結免致往返  
耽延近來別府事案解省覆勘一切委之杭府  
刑官以致隔屬行提犯証動輒經年累月不得  
完結殊爲未便該司卽便通飭遵行毋得違錯

申飭祭丁樂舞

一為興復禮樂以崇祀典事照得春秋祀

聖之典陳禮樂以昭其敬歌詩章以揚其德舞麾翟  
以明其功制度相沿無容褻慢漸為文獻大邦  
茲當春仲上丁本院方齋莊釋菜以樂觀其盛  
不意棄雅樂而尚鄭聲廢絃歌而捐佾舞何以

崇祀

先師聿光俎豆未至既灌已不欲觀之矣合行查飭  
為此牌仰提學道卽行府縣備查該學原設祭

器及八音樂具羽毛管簫鐘簴見貯何處諸禮  
生員并樂舞等生因何通不承值致乖祭典速  
查明白着落門庫清理完備悉照舊制舉行如  
秋祀仍前缺典立行查究不恕各先具遵依繳  
查施行

申飭備用錢糧

一爲嚴禁備用濫觴以清

國課事照得各縣錢糧額徵自有額解如透於此  
卽缺於彼不容濫冒其備用一項三分存縣公  
用七分聽上司公務支銷明立文案造送查盤  
額設大縣五六百兩中縣三四百兩下縣一二  
百兩不等爲數頗微以備事出不常非供濫觴  
之用今司道府廳有廉潔分文不支者有聽信  
吏書濫取者或以紙劄心紅或以修造家伙或

以酒席鋪設或以轎傘執事甚以交際禮儀餽送動輒行縣取辦而縣官又以逢迎上司一切不經之費皆指備用混支額數有限支費無窮經承乘而虛冒以一冒十上下交征盈千纍萬通省如此惟仁錢爲尤甚殊不知紙劄心紅案衣轎傘修理等項經費通有額設再難額外混支本院每閱月報錢糧單冊濫支無杜所徵錢糧多耗於此因而

國用不克皆緣漏卮日甚除已往見在核追將來合嚴飭禁爲此牌仰布政司十道即便通行府廳州縣一體遵照各衙門俸薪經費自有額設一切禮儀什物均應自備今十二年爲始俱不許行縣取辦致滋虛冒有虧

國課倘有非禮之求該縣亦不得逢迎辦送仍將原票送驗立拿混行吏書懲處追賠如違一併糾叅其八九十一年分司道府廳取用者各彙一冊竟詳司道府廳各自核算分別開銷發補明白起解者以批廻爲憑支用者以批詳爲

楊草  
據嗣後無該衙門核算批允詳文附卷者概以  
冒銷究追季終彙冊送查以清透冒法在必行  
慎毋輕試先具遵依繳查施行

修造館驛

一為鼎新驛館以隆

國體事照得吳山驛乃拜進

表箋恭迎

詔旨之區武林驛為皇華駐節之所久經傾廢不治  
何以肅威儀而隆

國體今本院清查驛站餘銀亟旨鼎建合委估計  
以便興工為此牌仰都事吳國杰即將發來圖  
式親詣二驛處所量地基之寬廠酌形勢之方

向逐一細加估計吳山驛蓋造堂宇門樓以便  
恭迎

詔旨武林驛建造前後廳堂廊房井灶以便

使客停旌其辦料之策或購買舊料或採買新  
材總期堅固堪垂經久價值廉而功亦倍備開  
木料磚瓦灰釘各數目文冊報院以便覆核舉  
行毋得遲違未便

誠諭標官

一督撫都察院秦

示照得本院性秉經介執法

素嚴前此持斧吳越久已見諒于人茲者卿

命撫浙適當山海交訌以保釐之職兼軍旅之事所  
携標下効用各官凡有技勇之能期收臂指之  
用倘能奮志功名他日期望不小但此中砥礪  
自愛者固不乏人恐生事招搖者亦復不少或  
交結官府苞苴往來或闢說事情夤緣賄賂或  
以食物虧累行戶或以狎邪比昵匪人有一於

楊草  
此喪廉隅而隳紀律法所難貸合行誠諭以肅  
憲綱爲此示仰標下効用各官知悉嗣後務須  
恪遵法紀不得交結有司招搖關說及累民比  
匪等事有則作速改絃無則益加勉勵倘本院  
別有訪聞定以軍法處死如徐養正已經責斥  
沈大成沙龍見在拿究一杆法網噬臍莫及其  
各慎之

大兵經臨曉諭安民示

一爲曉諭事照得

大清定鼎一紀於茲

皇上視民如傷勵精圖治本院以遼左舊人由邑令  
歷御史臺初任巡按浙江宣

上德而達下情志切安民不計利害區區素心久已  
見信於人茲者在叨節鉞職在保釐撫軍恤民  
是其能事頃奉

勅諭忱切諄諄以愛養斯民爲務本院亟欲集哀鴻

於中澤祛碩鼠之興嗟豈忍吾民瓊尾流離而  
不一念哉近因閩逆猖狂用彰

天討亦無非爲伐罪弔民計也

王師經臨假途吳越凡諸供億夫役修塘捉船等事  
不得不借民力蓋兵馬所過旣無飛越之術則  
動用浩繁勢必取給本地諒爾四民同在率土  
之濱宜亟子來之義第慮有司衙役奉行不善  
無知奸棍播散流言是使本院仰體

皇仁撫綏百姓一段摯意未獲盡白于吾民也合行

曉諭以慰輿情爲此示仰士民人等知悉征閩  
大兵合用糧草料豆牛酒供應俱係動支官銀  
購買預備並不涉及百姓一絲一粒至于夫役  
修塘鍋缸門扇船隻等項暫累爾民事非得已  
本院關做淮揚一切軍需盡出里甲十倍於浙  
然恐亦蹈此弊屢經申飭該道府縣均派節省  
敢有衙役里蠹需索折乾等弊許據實指名赴  
院陳告以憑從重究治爾四民中通達事體者  
卽便互相傳諭以同仇之誼出急公之心願從

楊草  
此而倒戈前路舞干兩階則一勞永逸鑿井耕  
田以歌咏

堯天舜日於無疆正未艾耳其各諒之

再禁出洋採捕

一為禁約事照得閩逆在逞春汛方殷沿海採捕  
船隻向經嚴禁以絕私通接濟之奸往聞不肖  
武弁貪圖漁利受賄私放因而道協有司各衙  
門借此為題每每恣肆差擾或查點船數或坐  
取甘結百般需索不饜不休深可痛恨合行嚴  
禁為此牌仰該道即便大書告示通加曉諭凡  
沿海地方居民船隻俱不許以採捕為名私放  
片板出入外海內洋致釀奸宄乘機通賊如有

營官仍前受賄私放及各衙門差官查船放船  
作弊滋擾者告發訪聞弁兵差役定行立拿軍  
法從事官員飛章叅處斷不姑徇

舉行鄉約六論

一爲督撫地方事照得十室之邑必有忠信兩浙  
爲文獻之邦年來澆漓成習奸詐叢生此豈性  
成之哉夫亦教育之失術耳本院兩按吳越惟  
以愛養斯民爲念茲奉

命秉鉞下車之始首頒條約期欲興復古人鄉約社  
學之制又慮有司奉行不力特設保民實政文  
簿內列鄉約條款爲五事之一以課守令之殿  
最願吾賢守令共圖化民成俗返朴還淳非故

楊草  
爲迂濶也頃據海昌秦令申送鄉約俗講一冊  
到院細加緝閱井然可觀合行查訂頒布爲此  
牌仰提學道照牌事理卽將發去鄉約冊一本  
細加考訂刪繁敘簡逐一較正明妥限三日具  
詳本院以憑覆閱付之剗剗通行頒布施行毋  
得遲違

申諭採木造船

一爲軍務事照得海逆陸梁防勦必資戰艦成造  
木植勢必購諸民間往聞有司衙役奉行不善  
封占短價虧累商民如上虞縣之差官滋擾諸  
生騷然是以本院嚴行禁約原鑒往轍而杜  
將來也前據海道及吳同知具詳船身杉木業  
與商人購買應用其鱗木松板樑頭樟樹及櫓  
柁雜木等項關商並無一株勢必採買於就近  
山縣又經本院叮嚀告誡嚴禁強封虧價之弊

在委官果能奉行惟謹進山估計實兌平買然後砍伐似與百姓無擾矣凡屬士民既有同仇之義宜存急公之心奈何偏執刁頑百般勒捐不曰傷戕蔭木則曰有害風水高擡價估恣意推阻任其事者不能委婉勸諭輒借憲禁爲辭是豈真百步之內禁人樵採而戰艦木植別有神輸鬼運之術歟藐法誤公莫此爲甚合行嚴飭爲此牌仰守紹道照牌事理即便轉行各縣并大書告示曉諭委官進山採買松樟雜木除近塚丈尋之內果係蔭木不許強伐外其餘無碍樹木與同地主牙人公平估計價值標識明白照數兌銀明立領狀然後砍碎採運出山應用如有刁頑罔念亟務故意勒捐希長價錢者該道即便拿究審實解院以違誤軍機論罪若官役敢蹈舊轍封占白取虧短扣除等弊告發訪聞官員飛章叅處衙役立拿處死法在必行各宜凜遵毋得違犯

斯樹木與同此生天入公平古指賢直對端則  
並參安事之內果烈菊木不藉嚴外快其翰然

### 考試觀風

一為觀風事照得兩浙人文甲于寓內本院保釐  
茲土例得采風憶昔持斧此中時亦常論文較  
士窺見一斑迄今已閱七載雖東鄙生長敢云  
刮目吳蒙而南國英才竊附作人雅化爰思軍  
旅之餘一親文學之事惟是文章為世運攸關  
亦人心邪正所繫倘或搜奇題外襞綴浮詞叛  
註離經詖僻自尚是固本院所擯絕也至若僅  
修故事曲附聲緣循門第而逸孤寒採春華而

忘秋實則又義之所不欲出耳合行知照循舉  
爲此牌仰各道卽便轉行府縣及各儒學教官  
將文行兼優青年有志生員報名造冊送道該  
道悉照往例編號彌封仍訂期取集外學俱至  
郡城該道親至試館將發去題目臨時拆閱考  
試務須嚴密不得漏洩試畢次日卽將原卷檢  
驗明白固封貯箱送院以憑親加較閱發落施  
行仍確訪優行生員每學一二名總括行誼事  
實具揭併送但不許徇情濫及開報失真用過  
卷資供給等項照例動支觀風額銀報院核銷  
毋容經承冒破

其容雖承冒也

其後均益等既照例博支歸風騰踰肆割殊維

訪拿衙蠹

一為督撫地方事照得衙蠹玷官害民自昔有之  
于今為甚本院巡按吳越時留心剔除自司道  
以至府州縣訪拿懲處執法惟嚴近奉

嚴綸責成督撫年拿一次不許姑息業經通飭在案  
今撫浙半年以來見諸詞狀得之風聞日長月  
生曾不少減蓋此輩以鬼蜮之行藏逞虎狼之  
虐醜吮民血而無形牽官鼻而不覺蟠結愈久  
則憑倚愈深托跡愈高則彌逢愈固寢成當道

而莫問匪特竄社之難熏矣合行拿訪以安民  
生爲此牌仰各司道刑官卽將所屬府廳州縣  
等衙門親加密訪真正積年大蠹開報贓款惡  
蹟具揭送院以憑施行務須巨奸稔惡懲一足  
以儆百不得以么磨菜備塞責反將大蠹縱狗  
至于各府刑廳衙役久慣窩訪賣訪向來作威  
肆虐人莫敢撻蓋有所憑託最易藏奸尤宜加  
意釐剔俱限半月呈報倘或曲徇面情不忍割  
愛本院別有訪聞均難辭咎

查銷冒籍詞狀

一爲察銷冒籍詞狀以杜牽告刁風事照得民間  
鼠雀之爭不能使之無訟其情理曲直應在本  
管道府伸翹兩造是非亦必質諸鄉黨隣里乃  
無偏徇冤抑法不容奸民冒籍越誑以逞刁詐  
之端也本院下車卽有條禁無奈健訟之風曾  
不衰止或圖翻本處已成之案無影駕虛或欲  
遂自己飛噬之心越誑拖累原告勢若負嵎被  
告畏如陷阱不得不破家賄脫關文往返徒爲

胥役生涯案牘稽懸每使善良受害及其騙詐  
已厭不日請歸就近則云隔屬難拘甚有沉擱  
一二年始具由詳批原籍衙門者詎非衙蠹居  
奇漁利乎深可痛恨合行查銷爲此牌仰各道  
照牌事理卽便轉行各府廳州縣凡承奉本院  
詞詳事件查果原被俱係別府人氏通限十日  
內逐件具由詳銷不得再行拘擾過期具詳定  
提經承差役坐贓究罪今後凡有刁民仍蹈故  
轍冒籍騙准呈狀本告投開住址察非本屬籍  
貫卽便盡法枷責示懲原詞據實請銷不許聽  
從移關倘有故違不卽具詳察出一併重究承  
行各官亦難辭咎各具遵依繳查俱毋違錯

竹谷官本鑿輜各各具數刻燦查身毋蠹蝕  
燄外關尚本姑蠶不唱具特察出一册重裝  
貫唱野盡去咄責示懲魚睛赫實請諭不特親

重脩 禹陵

一為敬脩禹陵以崇

聖祀事照得

神禹聖績載籍尚書奠高山與大川拯下民之昏

墊萬世永賴千古莫儔歷代崇德報功適隆禮

祀而陵寢禹穴在于會稽宛委之山中有石匱

赤珪之異前本院攬轡越中時親謁山陵拜瞻

廟貌見殿宇歛毀榛莽荒涼不勝凭式之想迄

今又逾八載其頽廢必有甚于昔者茲既叨一

方節鉞之寄合行亟議興復以光俎豆爲此牌  
仰守紹道照牌事理卽便遴委庶幹官一員親  
詣禹陵踏勘通加估計山陵殿宇約須修葺價  
值若干務期較前益加壯麗用垂永久合用工  
料逐一備造文冊具文詳院以憑酌議興工施  
行仍候撥發入官贓銀以備工料價值之用毋  
得遲違

申飭審勘贓罪

一爲遵

諭陳言嚴糾審以懲貪蠹事接邸報該刑部覆大學  
士蔣 具題前事內開以後凡劾貪官衙蠹必  
據實叅劾如仍前原叅贓私纍纍覆奏之時有  
展脫者臣部卽行查明將故縱誣捏各官及督  
撫誤叅之罪并交吏部查其徇縱情節輕重誣  
捏欵件多寡分別議處等因具題奉

旨依議嚴飭行欽此欽遵抄報到院爲照糾劾貪蠹

原以整飭吏治若既經摘發而復徇庇其何以  
示創懲卽欵中果屬風聞審無証佐者固宜昭  
雪然開報與承問官已分是非矣此部疏責成  
故縱誣捏與誤叅者並重也雖申飭將來而見  
在

欵件回奏不可不慎擬合通行爲此牌仰按察司卽  
便嚴檄各府刑官查照原題及部覆事理卽將  
歷來發審未結

欵犯逐起逐欵拘齊被害証佐細加研審原欵如何  
口供如何要見贓係實實誰人入已實實誰人  
過付招情須要明白直捷字句毋得游移贓私  
毋容攤卸果係虛欵斷詞尤要剖決得當毋致  
絲毫粘帶此係新奉

嚴綸事理與其回奏而

部駁何如司詳而院駁猶易于覆勘也其以後  
應用叅官須要平時留心廉訪自無失真若俟  
查取匆匆開報以致賢否溷淆定于譴責俱毋  
違悞

長容難唯果制盡焚燭同式要倍來料當其楚  
嚴於外制嚴要即白直對字口毋得改絲銀絲  
口其收回要良規制實實精人人日實實精人

再論薙髮服制

一為禁諭事照得

清朝制度小頂辮髮窄袖圓襟十載于茲四方同轍  
惟南方士民多不如式本院去年揭示禁飭欲  
期吾民急于省改孰謂多不遵依大頂挽髻全  
似未薙髮者更有長領寬袍方巾大袖恬不知  
改愚民無知深屬違禁今

親王世子不日臨浙部伍士卒難免往還倘途遇  
盤詰爾等身家性命關係匪輕即地方職官不

能禁約均有未便合行曉諭爲此示仰諸色人等知悉務須互相勸勉如法薙頂織辦不得仍前違式致扞法網其衣帽工製在貧窶或者措處艱難總不許方巾小帽大袖廣襟如有違犯自罹慘辱懊悔晚矣其各慎之

賑濟寧郡饑荒

一爲督撫地方事照得寧郡連歲災荒今歲饑饉尤甚頃聞餓莩載途野無青草深可憫念本院保釐全浙豈忍一隅失所合行勸諭賑濟以救災黎爲此牌仰海兵道照牌事理即便通行屬官并大書告示曉諭好義紳衿士民捐資賑濟文到卽日建設粥廠動支積穀并自理贖銀倡先舉行一面聚集捐助銀米陸續施捨仍俟本院酌發贖銀接濟事完之日備造細冊具文詳

院以憑具

題優敘施行該道務須竭誠力行俾饑民均沾實  
惠毋容奸欺滋弊

申飭給由實政

一爲督撫地方事照得府縣官員三年任滿考績  
給由必須核其才品政事以定稱職平常不稱  
職字樣然心術才守可以敷衍誇詡惟政事修  
廢見諸力行不可粉飾是以本院蒞任之初首  
頒保民實政五事文簿以核守令之職業按季  
填報該道轉送本院查核給由考滿之時另冊  
具詳聽該司道每事覈實然後詳院考核頃該  
司具詳府縣給由官員未見遵行合行申飭爲

此牌仰布政司即便通行遵照備查本院原行  
事理嗣後給由守令必須覈其保民五事如戶  
口之招撫增減田野之開闢荒蕪賦役之清釐  
聚斂禮教之修舉廢墜倉儲之有備無備大要  
以五事胥修者爲上等五事方修者次之准其  
考滿五事與廢相半者又次之五事盡廢者爲  
下等不准給由各該府縣冊報司道確核據實  
轉詳本院以憑覆核咨

題不得僅以四六駢偶考語浮汎具詳以致實政  
無憑駁詰未便各先具遵依繳查毋違

Large stylized watermark or seal, possibly containing the characters '西' (West) and '東' (East) in a decorative arrangement.

